

續修聊城縣志序

縣志一書所以補史乘所不及而備輶軒之采擇者故易曰先王以省方觀民設教禮曰入其國其教可知也聊城爲古齊郡地當南北通衢其間疆域之沿革戶口之多寡風俗之純駁賦役之重輕官斯土者與有責焉舊志修於

國朝康熙甲辰迄於同治乙丑垂二百餘年軍興以來練勇籌餉百務殷繁迨同治七年削平捻逆東境肅清諸紳耆襄辦善後事宜未暇從事編輯歷今又逾四十年矣陵谷變遷老成凋謝舊聞軼事多無有能稱道之

聊城縣志序

者光緒庚子以來

朝廷銳意變法力行新政往歲省城設通志局長吏檄各屬重修志書用資編纂時漢軍豫君幼竹宰是邑見舊志書板漫漶殘缺已甚稔知邑人葉雲臺學博家藏續纂購求得之思續成此志旋豫君以升任去不果成余忝斯任深懼不克擔荷爰請紳耆悉心商榷而秉筆者則首推靳約齋學博起例發凡一遵舊志大綱十二細目七十有五較舊志暨葉稿加詳仿通志例也夫時會遷移一瞬萬狀文明日進月異而歲不同故新猷頒布如巡警郵政電報學堂凡本邑所舉行者均附各

志之末俾觀風者入境問俗煥然特增一新氣象則誠

余之所厚望也是役也維始於光緒丙午閱四載而告

成將付剞劂在事諸君子問序於余余素謏陋又以簿

書坐困學殖久荒辭不獲已因誌其顛末如此時

宣統二年歲次庚戌冬月知聊城縣事泉塘陳慶蕃謹

敘

聊城縣志

序

二

葉稿自敘

續修與創修不同創本自定體例要必出乎嚴續則接述前言原不妨於寬康熙二年舊志何邑侯纂修傳相國朱任兩尙書鑒定俱有序無論體例何如在重修者踵而增之勿輕更易方是續述之本懷咸豐甲寅余客睢陵將捧檄之菟城時楊至堂先生開府袁江劉漁村同年來自厯下爰往小聚同流連節轅者十日譚次間念先君子嘗及邑乘與其並侍在側往往舉一人述一事卽一文一詩靡不召令手錄以備入志今往矣追憶曩聞未敢一日去諸懷漁村有史才取則不遠幸卽勉

聊城縣志

序

一

爲之詎知此別不旋踵而落落如晨星之散也余既茫無意緒亦遂置之辛酉退而歸里掃除舊塾因取家藏舊志悉心檢閱參之舊新郡志凡有舊志以後所未載續之郡志甫修所尙缺補之不敢遽謂成先志也顧余謹遵所聞與二三同好商確所以續述舊志者得留此本其不足爲後人取裁之助也乎用敢附數語於後同治四年乙丑冬至日邑人葉錫麟自記時年七十有五雲台先生淵源家學爲邑名宿晚歲由高苑學博致仕歸里續輯聊城志稿若干卷成先志也溯舊志修

於康熙甲辰去先生之世已歷十有五紀迄今且二

百四十餘年其間人事代謝風化改殊凡夫河運之不遘漕運之改折科場之廢棄新政之迭興皆爲舊志所不載而先生未之見也茲者踵而成書於所缺者補之畧者詳之雖不免竊附己意而增乎其所得不增易乎其所得不易是則所以續先生之志亦卽所以成先生之志也編定用附數語以誌緣起宣統紀元冬月鄉後學靳維熙謹識

聊城縣志

序

二

舊志韓序

聊城縣志志聊城也今之邑卽古之國今之志卽古之史國必有史邑可無志乎不肖丙戌承乏斯土首以志詢咸曰聊爲附郭無專志也因竊歎曰典籍大備宣子識周禮之在魯文獻不足夫子慨杞宋之無徵志於地方其關係爲何如者卽欲纂修以鏡得失昭鑒戒適時值末流且有潢池之警弗暇及也不肖視聊篆業已三年於此矣險阻艱難其備嘗之民之情僞其盡知之想巢父牧犢之遺意慕仲連射書之高風廼於政暇薈萃成編因攜詣學輒與師生共討論焉僉曰是可志也刪

聊城縣志

序

三

潤者學博任其責校閱者諸生分其事每至各出一說不肖未嘗不從而折衷也第才謝三長殊難創始其曰志略云者亦以見事有所未備見有所不及姑且藉是以塞責已耳命工繕寫付副劉氏鈺梓以行諸費悉捐俸餘毫無所取於民知我罪我共在斯編也夫其在斯編也夫萬歷十七年歲次己丑知聊城縣事涇陽韓子廉譔

舊志何序

聊城爲東郡之附郭形勝則北拱 神京而東聯泰岱人物則帝邱普濟而名相挺生官斯土者亦往往多

舉之英賢載在志乘可欽可慕余初握聊篆博考舊章得所爲志略者分上下二卷爲韓公子廉所纂修斷自萬歷十七年止其綱凡七目凡三十九雖曰略之云乎而未始不各類俱備及徧觀東昌府志綱且分爲二十有倫有要媲美漢書輒不禁追跡之思而所載之事較之縣志又多十年則七十年來無繼起而修之者抑誰氏之責哉夫天下當鼎革之後風土人情幾不可問地腴者荒風朴者詐賦煩役重官竄民瘠而聊城猶得古初之意不至於大壞不可收拾者豈非先正之典型尙在 新朝之甲第疊興道學既有源流風俗未有不相

聊城縣志

序

四

觀而丕變者則此志之不可不亟修理也勢也顧捐資必須大眾而采書全仗名流知大人君子先生蚤有鑒裁不怯囊橐共成巨刻余當竭力爲之以續我涇陽韓子之後大清康熙二年歲次癸卯初夏望吉知聊城事涇陽何一傑修纂

舊志傳序

余嘗讀中秘所藏職方輿地圖知帝王大一統之模不可淺見竄聞窺也首之以京畿十三省中之以邊鎮終之以川海江山河嶽漕黃馬政朝貢各有圖說各有方略蓋直舉魏後民等所上之形勢驛站桂萼之詳四方

開塞政俗善敗之故羅洪先之計里畫方胡松之增表
唐虞以下大都會若春秋而降會盟征伐之所悉歸標
列卽細至整軍占驗憑限戶口不遺焉輒不禁歎爲地
理家第一書余旣生長東昌曾不能舉一府之故實爲
後人示則傲豈不見笑於大方之家也哉然亦當參攷
東昌之志矣其書爲泓陽王公所定不溢美不妄傳每
一敘論多咨嗟傲揚之詞卓哉先輩之典型乎已而搜
求聊城舊志則僅寥寥二卷分爲方域建置賦役官守
人物藝文名之曰略誠哉其略也乃欲一旦而詳之則
戛戛乎其難言何者心靈法天實學法地千萬世不改
聊城縣志 序 五

事萬歷末有新餉之加天啟崇正間有勦餉練餉之加
徭車日起民兵肆訐稅課多而漏河漕滯而增俵馬皆
無用之肥鹽法爲有名之窟我

世祖章皇帝開闢中夏卽革三餉而兵馬一總於滿洲此
非百姓之變更生者乎辛丑偶一加派旋即報罷故二
十年來稍見豐盈我聊城物價平賤丁口殷聚則官守
之得其人也故當志官守人物亦較前朝震發者多人
故當志人物其舊志闕遺者增而入之景行高山固爲
後學定法程哉藝文有關風化無不備採於其後何公
用心可謂勤矣且每聆其緒論無日不以卹民愛士爲
念而有不得如所懷來者則時勢爲之其微指隱躍於
斷論之間吾又感於漢書循吏傳矣康熙二年歲次癸
卯秋八月朔吉少保兼太子太保大學士今養病邑人
傳以漸謹題

舊志朱序

昔蕭相國入關中獨收秦丞相御史律令圖書藏之後
漢高帝定天下皆取稽於此識者以爲知大體此非獨
以具知天下阨塞戶口多少強弱民所疾苦而風俗之
醇漓人物之臧否以及歷代章程因革損益通變宜民
使前有所鑑而後有所陟卽以爲致治之權衡理天下

之大綱在是矣聊攝屬兗州域至春秋爲齊西鄙迫魯仲連射書聊城而名至今因之密邇鄒魯漸聖人之化雖世代遞變而彬彬文學風俗樸茂一洗功利誇詐之習至明爲東郡首邑英雋蔚起鴻儒卿相領袖人倫文學吏治砥行慕義之士亦各顯名振俗甲於屬邑至我清而文運大開名諫詞林連翩鵲起助流 聖化者指不勝屈乃稽邑志僅有二冊爲涇陽韓公重修今已七十餘年矣我 何父母西秦博物君子來莅聊土下車卽以修纂邑乘爲首務取籍而閱之知前之作者亦涇陽人也前後數十年若有同心乃取舊志已載者因

聊城縣志

序

七

之未載者補之七十餘年之間父老之習見者已少而耳聞傳說多失其真公細訪博採參以輿論必得當而始爲信史蓋數月而始告厥成也余得而寓目流覽以爲於今長吏率精力耗於簿書奔走以覬當世取容博名聲而求速化尊官厚祿以爲光寵至風俗之醇漓窮簷之利弊以及人物之臧否則弁髦置之此其於安上治民移風易俗之道何如也公有得於致治之原而攷稽舊乘博參時務酌古準今以作信史者施於有政此豈俗吏之所能及也異日被 朝廷任使爲大僚庶長必能先急務以輔 皇猷久安長治實嘉賴之肅相國

收律令圖書而以爲知大體余於公修邑乘亦云康熙二年歲次癸卯中秋日工部尙書管吏部左侍郎事加一級朱鼎延謹識

舊志任序

稽古志之大原起於爾雅如史稱馬遷書稱班固典稱華嶠錄稱張勃第其中或浮於議論或略於事實未若爾雅詳且備志之難言久矣 不佞 辛丑自長安以艱歸諸凡未遑及越癸卯謹搜邑乘自我 朝定鼎以後未經載言無從考質嘗撫心深思焉邑侯何公以愷悌君子莅茲多有年所清和咸理政暇思聊城甲二東當孔

聊城縣志

序

八

道人文所窟宅冠蓋所輻輳 皇清以前往固彰矣而東無所鏡不幾成闕典哉公慨然曰邑有故志訛紊亡紀文獻曷徵乃博採籍傳洞窺今昔延文學數輩遍歷巖谷咨訪父老質勘同異復詢薦紳先生聲所覩記一重加編輯爲若干卷起壬寅歷癸卯始告竣事 不佞受而卒業上下數千百年洞若觀火矣遂序曰志圖說提封百里閭閻欲流志封域勢壓齊魯天下之中志形勝汶水滌紆獻秀逞奇志舊蹟流風興感懷古不忘志陵墓佳氣蔚蔚想像儀型志風俗先進匪野純儉吾從志城池王公設險保障居先志戶口百年累積編齒滋

蕃志田賦則壤有制版籍載清志徭役節以制度期於
休息志方物不產珍奇布帛菽粟志祀典禮陰禮陽期
格精禋志兵防慎固封守以備不虞志官師敢告在位
作士勤民志名宦流風善政須藉良吏志選舉經明行
修應選綱羅志忠節忠肝天植大義夙敦志隱逸發潛
闇幽高樹懿矩志貞烈冰霜凜凜力挽頽波志恩錫報
隆所自華袞載褒志藝文陳詩觀風考古鏡今志利病
詰人明炳先事消弭凡此皆何公苦心編摩焜耀奕世
之大業也不佞更有申焉政莫大於經時教莫重於宏
化事莫準於稽古法莫要於宜民此安取衷哉孟子曰

聊城縣志

序

九

君子反經而已矣明道術正人心人心正而學術明教
化行而習俗美是司牧者責也所借以風之者斯志之
功大矣是志也潤色舊編者什六翔起新觀者什四何
公沈毅淵達好修稽古史才也其功當與志終始云若
夫邑縉紳士力贊規畫功成可述茲難遍及康熙二年
歲次癸卯中秋日翰林院提督四譯館太常寺少卿任
克溥謹題

聊城縣志目錄

卷首恭紀

巡幸

蠲卹

宸翰

方域志卷一 輿圖 沿革 星野 里至 莊屯

河濱 漕渠 風俗 物產 古蹟古墓附

建置志卷二 城池 官署 壇廟 寺觀 坊牌

橋梁 園亭 兵防 驛遞 巡警 郵政

電報

聊城縣志 目錄

田賦志卷三 戶口 賦役 漕儲 倉儲 鹽法

郵政

學校志卷四 學宮 學額 書院 考院 義學

學堂

典禮志卷五 祭禮 通禮

職官志卷六 縣令 縣佐 教職 衛守 營汛

官蹟增

選舉志卷七 徵辟 進士 舉人 五貢 戎秩

例仕 封贈 恩蔭

人物志卷八 仕績 文學 忠節 殉難姓氏增

孝友 獨行 懿行 倚寓

列女志卷九 節婦 烈婦 孝婦 貞女 烈女

孝女 殉難婦女

藝文志卷十 經籍 金石 文詩

通紀卷十一 祥異 水旱 兵革

雜綴卷十二 軼聞 瑣事

聊城縣志 目錄

二

聊城縣志纂輯姓氏

主修

署 聊城縣知縣進士孫咸

署 聊城縣知縣舉人向植

署 聊城縣知縣舉人姚鵬圖

代理 聊城縣知縣監生韓作霖

代理 聊城縣知縣監生劉廷棟

聊城縣知縣監生陳慶蕃

協修

聊城縣教諭副貢劉慕周

聊城縣志纂輯姓氏

聊城縣縣丞監生李寶元

聊城縣縣典史監生許緯

署 聊城縣縣典史監生金念曾

總纂

高苑縣教諭拔貢舉人李錫麟

續纂

莒州學正優貢靳維熙

分纂

益都縣教諭舉人范志泰

候選縣丞廩貢馬鎮



安徽候補縣丞附生葉直卿
續分纂

肥城縣訓導拔貢舉人周晉祺
知府街拔貢朱正履

候選縣丞歲貢彭濬源

候選直隸州州判恩貢馬鴻俊

鴻臚寺序班增生葉允楨

候選訓導廩貢葉允濟

鴻臚寺序班增生孫世顯

分省試用州同孝廉方正周祖瀾

聊城縣志
纂輯姓氏
二

總校

升用知縣魚臺縣教諭廩貢周銓

候選直隸州州判拔貢傅淦

東阿縣訓導歲貢安寶蓉

分省補用直隸州恩貢傅斯僑

分校

候選巡檢顧信安

臨朐縣教諭舉人葉允平

臨朐縣訓導舉人余培乾

鴻臚寺序班附生孫世篤

候選訓導孝廉方正丁芳勳

直隸試用縣丞優貢侯桐封

鴻臚寺序班附生朱正坦

廩生劉克平

候選同知胡沛雷

四品封典黃世瀛

附生周啟人

世襲雲騎尉耿昌祐

附生宋維珍

增生王慶昌

聊城縣志
纂輯姓氏
三

歲貢葛用賓

州同銜王炳燦

候選巡檢何登洲

採訪貢李秋山鹽大使銜朱正倬

廩監生王錫珍六品銜劉俊德

監生李鶴齡文生郭盛德

附生馬鳴珂監生楊典五

監生李雲龍監生修雨亭

監生李仲達典藉徐景霖

貢	生李占一	從	九何金台
監	生袁鳳池	監	生戰邦泰
介	賓孟廣爵	武	生孫煥斗
監	生李相亭	介	賓邵介
監	生張廷桐	貢	生任呈祥
監	生楊玉階	附	生苗鶴田
監	生張安然	附	生張泮芹
監	生馬在田	武	舉劉占熬
文	生胡鳳鳴	附貢	生孫汝敏
監	生張連貴	從	九陳汝和
聊城縣志 纂輯姓氏 四			
廩	生張雲崢	監	生李方田
從	九朱繼清	附	生葛錦階
文	生田上萊	貢	生朱景桐
監	生朱廷林	監	生傅夢巖
監	生劉汝林	附	生宋文甲
耆	賓劉培基	文	生宋文瀚
文	童念寶慶	監	生王澤之
介	賓楊泰安	耆	賓陳鳳誥
監	生傅德階	耆	賓王思九
候選從	九任又增	文	生杜青雲

文	生李樹之	武	生杜思箴
文	生李道明	廕	生李孟淮
監	生孫柏年	監	生李樹勳
武	生王元瑞	耆	賓張延湘
六品	銜王衍會	文	生郭鳳鳴
耆	賓宮培慶	耆	賓傅樂銘
文	童杜萬昌	監	生于甲瀛
六品	銜馮玉魁	耆	賓姜樹銘
六品	銜陳培源	五品	銜韓東林
文	童曹樂章	介	賓姜維新
聊城縣志 纂輯姓氏 五			
耆	賓高彤錫	武	生姚文興
候選縣丞廩	貢姜醴泉	監	生任寶增
附	生杜灼	監	貢許文德
附	生姜得鑫	耆	賓張汝池
知	印魯印周	文	生郭錫祉
監	生劉珍序	文	生焦漢東
監	生孔昭慶	武	生張鴻臣
耆	賓張厚仁	五品	銜徐繼曾
監	生張法師	附	生田錫岐
介	賓姜貴英	附	生呂鵬翔

監	生劉文申	文	童呂鵬雲
附	生舒廷林	文	童李金絨
候選從	九張春華	監	生周春龍
從	九姜兆本	從	九徐桂齡
介	賓劉玉明	文	生張永昌
從	九滿朝杰	附	生亢英
文	生王寶清	鴻臚寺序班廩	生丁欽衡
監	生甯以庚	附	生高天佑
大	賓謝喬齡	附	生白永杰
從	九陳寶田	附	生蘭長仲
聊城縣志 纂輯姓氏 六			
從	九胡濟清	附	生李偉臣
耆	賓胡連陞	附	生閻瑞昌
附	生王開穆	附	生高雁臣
恩賜舉人	權淮洲	廩	生何秀嶺
監	生苗兆貞	附	生裴晏如
增	生苗寶疆	從	九裴霏
武	舉張金台	五品	銜魏兆慈
武	生孫世楨	從	九閻立之
武	生孫世幹	從	九顧有年
附	生蔡紹仲	從	九鄴寶祥

附	生蔡立貝	附	生冷兆和
廩	生孫之琛	從	九梁長江
附	生哈世德	附	生丁欽淮
從	九張義剛	鹽大使	潘以訓
監刻			
候選府經歷	歷城縣	歲貢	李福鑾
候選	縣	丞	顧韶年
聊城縣志 纂輯姓氏 七			

聊城縣志凡例

巡幸

一 聊城爲附郭首邑水陸交衝舊志纂修在前於

也

一 疆域山川城池屏署志各有圖而不皆詳審今計

里開方總繪一圖列歷代沿革簡明表於上庶令

閱者一目瞭然

一 田賦漕儲今昔互異茲按現行賦役全書詳細開

載以補舊志葉稿之所未備

聊城縣志

凡例

一

一 舊志以縣附於府祀典闕如方今

先師孔子升爲大祀祭禮隆重卽 關聖文昌各秩祀亦

日加尊崇不備誌之非所以彰禮教也謹撮舉大

端而附以現行通禮爲志士資考證焉

一 舊志人物載有未詳者葉稿已檢府志通志補入

并續增列傳五十餘人而附以僑寓最久業經入

籍爲舊志所載列者今仍一併登入更續補咸同

年間五十餘人僭擬六門分別纂敘其合傳附傳

義類各有所歸要非任意登錄

一 列女附在人物體例本無不合今特列專門而以

節烈貞孝分焉其苦心貞志所亟宜表彰者如是

一 平山東昌兩衛向皆有學自歸併後而學旋廢今

更裁衛歸縣舊制蕩然惟前志所載人物仍注明

衛籍以示區別

一 物產凡與他邑無異者概不闕入聊柏膠棗而外

雖硝非良品而物力所存亦並載之以補前志所

不及

一 舊志於五行兵革災祥之事未盡詳載葉稿闕焉

今按府志撮彙而以編年之體爲之其近時捻亂

水患亦以類附仿通志通紀例也

聊城縣志

凡例

二

一 葉稿於藝文一門搜羅極富載不勝載茲錄其有

關政令風教者若干篇其諸先達墓誌家傳擬另

輯者獻文徵一帙以昭示來茲

一 經籍金石爲數無幾茲與藝文合爲一類而於藝

文而外另列雜綴一門以廣見聞而資考鑑

一 是志分大綱十二細目七十有五較舊志暨葉稿

加詳非敢妄擬乃仿通志例略參酌而增易之識

者諒諸

聊城縣志卷首

巡幸

蠲卹

宸翰

康熙二十八年乙巳

聖祖仁皇帝南巡回鑾經東昌等處免丁賦是年旱又免

錢糧十分之三

三十八年己卯

南巡勘視河工經恩縣等處停征

御書臨米芾天馬賦

聊城縣志

卷首

一

賜刑部左侍郎任克溥

四十二年癸未

南巡由水路經聊城等處所過州縣去年未完地丁錢糧

通行蠲免又五月大雨饑詔免田租截漕賑濟

幸綺園

御書松桂堂匾額綠水本無憂因風鏤面青山原不老爲

雪白頭聯

賜原任刑部左侍郎任克溥

四十八年己丑

南巡經東昌等處免歷年民欠錢糧

乾隆十三年戊辰

高宗純皇帝東巡經東昌等處豁免地丁錢糧

十六年辛未

東巡經東昌等處免經過地方地丁

二十八年癸未

南巡由水路經東昌等處經過地方凡七十以上者皆有

賞賚蠲額賦十分之三

三十年乙酉

南巡經東昌進東門登光嶽樓經過地方仍照前賞賚額

賦蠲十分之三又十二年至二十七年未完因災緩征

聊城縣志

卷首

二

及民借年欠倉穀全行豁免

御製策馬過東昌府城作

南邦逢郡邑按轡便民瞻運路茲經歷乘舟昔已快策

馳惟一例隨鐙更多添親愛不謀合熙和著處覩平原

攬城市光嶽俯樓檐共治二千石益思慎選廉

御書光嶽樓額

登光嶽樓卽事詩

層欄傑構入雲區聳峙城中鎮四隅高下耕桑俯沃野

北南水陸接通衢虹光奕奕扶梁煥泰嶽巖巖崑崙鋪

長記短詩初讀遍子安牛斗句曾無

光望爲同爲異區又稱東北據城隅從來多舛惟冊府
且自清遊歷箭衢喜是閭閻頗繁庶嫌他屏展太陳鋪
牧臣咨爾盡心者察吏安民似此無

石石刻光嶽樓

三十六年辛未

東巡經東昌等處經過州縣凡七十以上者皆有賞賚
額賦十分之三夏大水饑給賑有差

御製過東昌府城作

御舟艤運河策馬府城過爲便民之觀兼觀俗可和轡
前復鞭後踵接與肩摩皆視如傷者羽林謾禁詞

聊城縣志

卷首

三

登光嶽樓卽事疊舊作韻二首

博平自古號名區通漕長河帶郭隅且斥前旌嚴警蹕
遂教緩轡歷街衢樓梯百級步徒入窗戶八方目望鋪
不必更尋東北角無時嶽氣此中無

岱宗昨纔禮神區依舊神光耀坐隅遙企峻哉切銀漢
俯觀富矣接銅衢何加日教惟孝悌保泰撫謙戒飾鋪
大法小廉斯固善行之可信以誠無

石石刻光嶽樓

四十一年丙申

東巡經東昌等處奉

旨賞男婦七十以上者各有差乾隆三十六九年未完
地丁銀及三十六七兩年民借未完常年穀概行蠲免
軍流以下人犯照例減等發落

御製登光嶽樓卽事再疊舊作韻二首

烟中九點辨齊區舟溯漕川艤岸隅尙憶戒嚴隣賊境
卽看翦逆靖康衢軒窗納景畫圖展老幼迎鑾陌巷鋪
前席更頻諮大吏窮鄉元氣復乎無

光望由來本一區岱宗東北聳城隅靈威奕奕佑千古
佳氣葱葱照九衢觀喜男耕及婦織飾祛玉砌與金鋪
促成七字解舟進行漏曾消半晌無

聊城縣志

卷首

四

四十五年庚子

南巡經東昌等處

回鑾凡所經過州縣免地丁錢糧十分之三乾隆四十二
三四等年歷城等二十一州縣因災緩征未完地丁銀
臨清等七州縣因災緩征未完常年穀麥種加

恩概予豁免老民老婦加

恩賞賚軍民七十以上者一丁侍養免其雜派差徭八十
以上者給絹一疋棉一觔米一石肉十觔九十以上倍
之百歲旌表有差又奉

旨軍流以下人犯減等發落

御製登光嶽樓卽事三疊舊作韻二首

東南巡狩浙蘇區鶴首歸瞻西北隅暫命行艤艤河岸
遂乘輕輦入城衢祇殷爲度觀民切略厭排當接路鋪
麥固望收塵土大却愁近日雨膏無

統志今殊府志區爲光爲望各分隅謝他舊跡尋東北
祇此層巒據巷衢不必誰何七萃肅任教瞻仰萬民鋪
銀牌侍衛行行賜可果其中漏者無

右石刻光嶽樓

四十九年甲辰

南巡經東昌等處

聊城縣志

卷首

五

回鑾經過州縣免地丁錢糧十分之三乾隆四十三四等
年因災緩征未完豫麥南米概予豁免賞老民老婦七
十以上者各有差又奉

旨軍流以下人犯照例減等發落

御製登光嶽樓卽事四疊舊作韻二首

九點烟中齊一區大圓鏡裏漫分隅觀風遂以停艫舫
問景權教履陌衢拾級登來霄漢接憑窗望處近遙鋪
再將通志殷勤考光嶽城斯望嶽無

嶽光原在望中區何必兼思東北隅漫憶吳昌饒水路
奚妨齊野厯烟衢以予視本同庭戶嫌彼爭爲勝設鋪

四疊欣成十全什合因閣筆復賡無

右石刻光嶽樓

五十五年庚戌

東巡經東昌等處經過地方免租賦地丁奉

恩詔軍民年七十以上者酌加賞賚八十以上者給與絹
一疋棉一觔米一石肉十觔九十以上倍之百歲旌表
並加賞大緞一疋銀十兩軍流以下人犯減等發落普
免地丁錢糧通計三年一律蠲免嗣因本年秋季雨連綿
東昌府屬被水成災將應行輪免錢糧之處改自本年
先行蠲免

聊城縣志

卷首

六

御製登光嶽樓卽事詩

甲辰四疊十全成已有質言復再賡城北城中早實攷
爲光爲望總虛名巖巖嶽氣鎮千古欸欸心瞻申一誠
副此爲難茲竟副益欽

天眷樂特盈

右石刻光嶽樓

聊城縣志方域卷一

輿圖

沿革

唐虞三代兗州

舊志謂兗冀二州之域非也按禹貢云濟河惟兗州爾雅云濟河間曰兗州周禮云河東曰兗州是三代兗州未嘗跨河而過之也古之大河自大伾而北烏得及今府境雖周定王五年河徙之後在郡境內而漢之冀州固非三代之冀州也故斷以爲兗州之域周郭國後入齊

聊城縣志

卷一 方域志

一

秦聊城屬東郡

按衛至始皇之世僅守濮陽地秦滅之遂於此置東郡漢因秦之舊耳事見史記

漢兗州部東郡治濮陽在今開州西南領二十二縣分其七一爲聊城

東漢兗州部東郡治濮陽後改治武陽領十五縣分其六一爲聊城

六一爲聊城

晉冀州部平原國治平原領九縣分其四一爲聊城

北魏濟州部平原郡治聊城領四縣一爲聊城

隋武陽郡治貴鄉領十四縣分其六一爲武水爲聊城

唐河北道魏州治聊城領六縣一爲聊城

五代聊城縣博州治

宋河北東路博州治聊城領四縣一爲聊城

金山東西路博州治聊城領五縣一爲聊城

元山東宣慰司東昌路總管府治聊城領六縣分其五

一爲聊城

明山東布政司東昌府治聊城領三州十五縣分其七

一爲聊城

國朝因明舊制雍正十三年升曹州爲府割府之濮州范縣觀城朝城屬焉乾隆四十年改臨清爲直隸州

聊城縣志

卷一 方域志

二

割夏津武城邱縣屬焉今東昌府領州一縣九衛二首縣附郭春秋時聊攝也春秋僖公元年 邢遷於夷儀東漢書聊城有夷儀聚蓋齊取於邢而有之以爲西鄙戰國魯仲連射書喻燕將卽此秦置聊城縣屬東郡兩漢因之三國魏屬平原郡晉屬平原國劉宋屬魏郡元魏太和十一年分平原國置安德郡移平原郡於此治王城泰武初置南冀州永安中罷改屬濟州孝昌中分置西聊後齊省入隋改屬博州大業初州廢以聊城屬武陽郡唐武德四年析置茌平縣天祐三年更曰聊邑又以聊邑博平高唐武水之

河外地入鄆州是時縣惟博平郡治蓋州當天寶初改爲郡也五代晉開運二年河決城圯南徙巢陵故城永樂舊志云在今府治東南十五里周廢武水縣以其地益之宋改郡爲博州仍治聊城縣淳化三年河決巢陵乃移治孝武渡西卽今治元至元元年析爲博州路總管府治十三年改爲東昌路治明爲東

昌府治

國朝因之

東昌向有平山東昌兩衛康熙二十七年裁平山衛併入東昌衛光緒二十八年復裁東昌衛併入縣治

聊城縣志

卷一 方域志

三

星野

帝王世紀云自危十七度至奎四度曰豕韋之次一名姬訾於辰在亥謂之大淵獻於律爲太簇斗建在寅今衛分野

漢書地理志云衛地營室東壁之分野也今之東郡及衛郡黎陽河內之野王朝歌皆衛分也

唐書天文志一行云營室東壁姬訾也初危十三度餘二千九百二十六秒中營室十二度終奎一度自王屋太行而東得漠河內至北紀之東隅北負漳鄴東及館陶聊城又自河濟之交涉滎波濱濟水而東得

東郡之地古邾鄆衛凡胙邾雍共微觀南燕昆夷豕韋之國自閭道王良至東壁在豕韋爲上流當河內及漳鄴之南得山河之會爲離宮又循河濟而東接元枵爲營室之分然則館陶聊城並是室壁分也通志按東昌在齊之西鄙而又趙衛之所接壤也攷之漢郡平原屬危齊也清河魏郡屬昴趙也東郡屬角濟北屬氐則從乎兗州而言然清河一郡漢志云齊爲虛危之野東有清河以南實亦齊履之所屆也又云衛爲室壁之野今之東郡及魏郡皆衛分此二郡又可以室壁參占之矣疆錯圻聯星躔交布觀者

聊城縣志

卷一 方域志

四

其知所會通哉

里至

縣境東西廣四十三里南北袤五十里

東至茌平縣界二十五里至縣治七十里

西至堂邑縣界十八里至縣治四十里

南至兗州府陽穀縣界二十五里至縣治八十里

北至堂邑縣界二十五里

東南至泰安府東阿縣界四十里至縣治九十里

東北至博平縣界二十五里至縣治四十里

西南至莘縣界五十五里至縣治七十里

西北至堂邑縣界三十里

莊屯

五鄉里

劉莊 城正南三里

八里莊 八里

鄭廟 十一里

葛海 十二里

李莊 十五里

甄莊 十六里

杜莊 二十里

郭海 二十九里

小韓莊 二十九里

黃莊 二十一里

趙崗 三十五里

張泓 二十三里

曲塋 十二里

舒井 十六里

聊城縣志 卷一 方城志

五

大柳張 二十五里

耿莊 三十里

鄧園 五里

陳莊 城東南十七里

郝路口 二十二里

老韓莊 二十七里

王莊 三十里

周店 三十四里

李海務 十八里

雙廟張 十八里

劉皋 十八里

王莊 二十里

杭海 城西南十八里

郝堂 十八里

陳泓 二十一里

賀海 三十里

連莊 二十八里

于營 十五里

許莊 十二里

北七里

岳莊 城正西一里

張油坊 二里

許密 三里

王栖橋 十八里

孫胡同 十八里

十二里塋 十二里

母莊 十三里

羅莊 十三里

張樓 十五里

姜莊 十五里

仙莊 十五里

臧莊 十里

十里舖 城正北十里

鄧莊 二十里

東舒莊 二十里

小許莊 二十里

梭堤 三十里

十里塋 城西南十里

聊城縣志 卷一 方城志

六

蘆裡華 十一里

老君廟 十三里

賈六集 十五里

任樓 十六里

小孫莊 十六里

聊堤口 二里

南李莊 十里

魏莊 十一里

十二里舖 十二里

侯塋 十五里

孫集 二十里

孫樓 十五里

孫莊 十五里

呂廟 十一里

郭樓 城西北六里

賈莊 六里

老柳頭 三里

王莊 四里

錢莊 十二里

喬黃莊 十四里